

# 雜俎

## 光緒三十一年正月中國事紀

▲為記者知此事之見於是日也  
△為記者以見報之在是日也

正月初二日。▲奉 詔錫綬直隸武清等州縣地丁錢糧。

△新疆巴爾魯克山地方。被俄兵重行占據。伊犁將軍爭之。俄不從。按該地前為俄所租借。後已歸還中國。 初三日。△中國答覆

日本政府。聲明中國並無不守中立之事。 初四日。▲奉 詔錫綬山東各州縣地丁錢糧。△戶部查明庫款。

存銀一百七十餘萬兩。△戶部造度支簡明表成。△川督錫良奏准收租百石。提捐四石。為自辦川漢鐵路經費。△駐俄華使胡惟德電稱俄政府不認我中立。近在

我西北邊境。陸續添兵。△英使照會外務部。拒我索還威海衛之提議。△新簡魯撫楊士驥與德使私會於京

外之天甯寺。聞德使要索山東開礦五處。又在青島增

雜俎

兵二中隊之利權。△聞澤浦鐵路。由中國收回。自行管理。△聞法國某公司。請法使向政府索取福建路礦利

權。并欲開採直隸山西交界處金礦。 初六日。△外務部擬飭各省督撫。不得擅與外國人私訂各種約章。△

潮汕鐵路由商部奏准。一切均歸商部主持。△膠濟鐵路築枝路於小清河。已定議。 初七日。△政務處奏定

羣臣會議要政章程七條。△政務處通飭各省將各州縣事實清冊展期開報。△政府議將四川前屬打箭爐

其後暫隸西藏之贍對土司。改土歸流。△戶部向匯豐德華兩銀行借英金一百萬磅。以山西烟酒及百貨釐

金為質。△豫撫陳夔龍奏報開鄭州為商埠。△直隸文安縣有拳匪除孽謀亂。直督袁世凱派兵赴剿。△俄以

重兵窺我庫倫伊犁。△英使又要求川藏鐵路敷設權。△法使請會勘廣西龍州邊界。△駐廈門日本領事因

潮汕鐵路日工二人被斃一案。向華官要索六款。 初八日。△外部通飭各省商辦鐵路。填給外人游歷內地執照。

三十一

乙巳

雜 類

三十四

二月

除聲明往某處遊歷外。不得有別種字樣。△各國於彌補鎊虧一案。不從中國所請。按先時各國貴令中國彌補鎊虧折中算定。以消虧欠之款。免再計息。一未屆還期。每月預付之款。須按月扣還。息銀而各國不允。但允中國再出一百二十萬鎊。即可將鎊虧還。△江督周馥奏請派北洋海軍統領葉祖珪總統北洋海軍。△奉天將軍增祺因馬賊攻擊彰武縣電告政府。請派兵往剿。政府從之。△陝西邊界有土匪千餘人作亂。△新疆不靖。以裁汰營兵積欠餉項故也。△湖北京山縣有鬧教事。△法使告外務部。謂法國願揀選工程司。以為中國造龍州鐵路之用。并願代中國籌借築路款項。初九日。△奉直駐邊各軍。因俄兵屢入我中立地。傳令一律戒嚴。△俄兵入喀什噶爾。據之。△有俄兵官率兵二百餘名。擁入奉天電報局。擅行搜檢。後將員司工役等十餘人。擁至車站。錮之。△德人禁華人在耶墨勞山左右伐木為炭。初十日。△政府議禁開捐實官。△滇撫林紹年奏陳雲南實在情形。請免再派一切解款。十一日。△日本改中國青泥窪地名為

大連。十二日。△廣爾羅麟三防墟復有悍匪肆擾。△御史涂國盛以湖北宜城民變事。奏劾鄂督張之洞。△俄兵一萬五千名闖入新民屯南面之中立境內。△俄人在奉天訂造戶口冊。又伐東陵北陵之樹。又占奉天兵刑工三部衙門為營務處。十三日。以吳廷斌調補山東布政使。劉春霖調補雲南布政使。曹鴻勳調補湖南布政使。袁開第授貴州布政使。陳燦授雲南按察使。△議改武衛右軍自強軍為北洋常備軍第四鎮。改武衛先鋒各營及新募軍士為第五鎮。又募第六鎮。△北洋常備軍第三鎮由保定移駐德州。十四日。△征西官軍在慶遠府屬大寧寨牛欄關里湖等處。擒獲匪首陳老妹等十一名。又初八九十日。武匡軍在六都基田龍團等村。斃匪首章炳秀等十餘名。起出被擄男女七十餘口。△俄兵越阿爾泰山。有占阿拉克之勢。△日人拘遼陽州知州陳良傑。旋釋之。十五日。△俄兵在庫門劫我糧車一百二十餘輛。十六日。△商部

咨行各省。飭將工藝局所列表具報。△漢陽鐵路因入不敷支。將煉鋼等五廠暫行停工。△俄使強索伊犁請地開礦權。△前福建船政廠洋監督杜業爾辭退時。月薪川資。均經照給。法使忽又向外部再行要索。十七日。△河南之河北有匪衆滋事。戕害蘆漢鐵路洋員機匠雜役等七人。△議修 東陵鐵路。△兵部侍郎鐵良回京覆命。十八日。△江甯在日本訂造之江元兵輪行進水式於神戶。十九日。△奉 旨派查辦西藏事件大臣唐紹儀出使英國。△西藏達賴喇嘛匿迹庫倫。政府勸其回藏。△財政處議令各省關出入款項。按月造冊具報。△練兵處議設兵工廠於京師。△奉宸苑領款一百萬兩。以修葺三海及 頤和園各工程。△政府決意自辦京張鐵路。△川漢鐵路奏派趙爾豐爲總辦。咨明商部立憲。△桂撫李經羲奏軍需緊迫。請將所有應解上年九十兩月。暨本年四個月洋款。一併緩解。奉 旨照准。△山東濰縣因煙葉加捐激變。商民聚衆燬

雜 俎

局。△黔撫林紹年派學生留學安南河內。△俄政府以駐北京主教有私買官地之案。有犯教規。將其撤回。△意大利議將駐紮中國之兵撤退。△德人在吳淞口。安設由上海至膠州之海底電線。二十日。△以鄂督張之洞練軍有效。傳 旨嘉獎。江督及蘇皖巡撫等。申斥有差。從鐵良請也。△照凌阿奏籌墊鉅本整頓鹽綱。傳 旨嚴行申飭。△欽派李盛鐸查辦盜賣 東陵官地與俄人事。△四川甯遠土蠻變亂。川督命練軍平之。△江督周馥以上海公共公廨委員黃煊貪污。撤其任。△政府命駐俄公使胡維德請俄國將聚集喀什噶爾伊犁之俄兵撤退。又請禁止俄人在蒙古及熱河等處購買軍需。△英人所造鐵路。通至前藏。并派員查勘該處礦務。二十一日。△閩浙總督魏光燾江西巡撫夏崑奉 旨開缺。以升允授閩浙總督。曹鴻勳授陝西巡撫。△吏部改訂出使隨員變章。已滿三年者。准照異常勞績獎敘。不准越級請獎。△江督命上海製造局每月節

省六萬金以歸新廠。△江西前議加贖價以築鐵路。茲以民困緩議。二十二日。△詔鞠赦汗郡王勸恩札勒諾爾被戕案。△以龐鴻書授湖南布政使。英瑞授湖南按察使。張蓮芬授山東鹽運使。特圖慎授都察院左都御史。溥頤授察哈爾都統。繼祿調吏部左侍郎。壽耆調吏部右侍郎。明啟授理藩院左侍郎。△御史黃昌年奏劾督辦鐵路大臣盛宣懷。奉 旨交鄂督張之洞查辦。

△滬商議開雲南銅礦。供各省鑄造銅圓之用。二十三日。△戶部銀行謀攬全國鑄幣權。△政府與京漢鐵路議定轉運軍需新章。二十四日。△以台布授都察院左副都御史。△粵督岑春煊因廣西已大致肅清。電奏請回駐廣東。辦理要政。奉 旨依議。△聞英政府議將西藏賠款。減為英金二十五萬鎊。英兵占領春不之期。不得逾三年。△廣東潮汕鐵路公司日工二人被戕案議結。給卹款二萬五千圓。賠款十五萬圓。二十五日。△以錫桐授陝西按察使。△中法商人各集股二百

萬兩。創設華興銀行於天津。奉由直督批准咨部。二十六日。△吏部奏請除舊吏以私費充公。奉 旨依議。

△商部刊發甲辰年紀事簡明表。△直督袁世凱擬募內債四百八十萬外債三百萬為軍事費用。△兩粵督撫奏。凡捐有實官人員。准其越級加捐一摺。經部議准行。△廣東饒平縣雙刀會匪毀教屋五十餘間。二十七日。△浙江之新昌奉化有匪徒蠢動。△日本政府照會中國政府。請派兵駐守南滿洲。然未聲明該地永歸中國。△英國發表西藏交涉案。知印度總督與其統將意見不合。二十九日。△粵紳伍銓萃庇護長壽寺僧糾眾劫奪商業時敏兩學堂校具。各學堂大動公憤。一律停學。△法使要求在南甯府開一專管租界。又謂川漢鐵路。雖中國自辦。然工程師必須用法人。△美國富人摩根擬合英美德法俄五國共出資本五十億。合修中國鐵路。即從粵漢鐵路入手。三十日。△諭飭摺奏不准引案以昭核實。△電飭浙撫聶緝綏速整江海防

備。△政務處議改盤查倉庫章程。宜將詳細數目繕具清單。即於覆命時恭呈 御覽。△練兵處議定考試武備學生章程三條。超等者派往各省。充各營教習。特等者酌留常備各營委用。一等者飭派入練兵處當差。△吏部定議出使隨員。凡係實缺均改為奏調。△刑部奏准開設法律學堂。△俄使聲言若中國不許俄兵在戰地交通之地輸運戰品。則俄國將以遼西蒙古地方為取償。

### 光緒三十年十二月中國事紀補遺

二十七日。△有俄兵駐喀什噶爾恰克圖伊犁各處。並訓練蒙漢人民。令充兵役。△奉天將軍增祺電告外務部。謂屢請俄官將駐省城俄兵撤退。俄官不從。△法商夏薩雷請開湖北助陽府銅礦。鄂督張之洞電請外務部力拒之。△美政府不允中國廢去粵漢鐵路之約。△直督袁世凱請派兵往駐吉林。嗣吉林原有之兵。移駐

東陵。△日本政府行文各國。辨明俄人誣指中國不守中立事。△吉林將軍因圖們江一帶韓人常偕俄兵行劫。電請政府知照韓國。從嚴懲辦。政府從之。△俄兵在蒙古及遼西一帶強奪貨物。△法人在廣州灣附近。藉討伐土匪為名。殺土民無算。△法使欲在廣東租界外屯兵。粵督岑春煊拒之。法使不從。二十八日。△鐵路大臣盛宣懷與上海俄領事議結俄艦水手殺人案。仍依前斷監禁四年。兼作苦工。因將全案咨送駐俄華使胡維德上控俄京。

雜 俎

三十一

乙巳